

Clerici, Sacerdotes, Parochi, Prælati majores, Episcopi aut Cardinales *ad perfectionem in gradu altiori tendere tenentur*. Nam *Primò S. Script.* : sic Dominus de suis ipse Sacerdotibus inquietabat : *Sancti erunt Deo suo et non polluent nomen ejus : incensum enim Domini et panes Dei sui offerunt, et ideo sancti erunt*, *Lev. xxi*; iterum : *Mundamini qui fertis vasa Domini*, *Is. li. 2º SS. PP.* inter quos Chrysost. hæc scribit : «Sacerdos debet vitam habere immaculatam, ut omnes in illum veluti in aliquod exemplu m excellens intueantur; idcirco enim nos elegit Deus ut simus quasi luminaria ac Magistri cæterorum ac veluti Angeli versemur in terris, *Hom. 10, in Timoth.* » Et *S. Thomas*, 2, 2, q. 184, a. 5, docet, ex *S. Dionysio*, Episcopos esse in statu perfectionis in gradu perfectiori quam sunt Religiosi, scilicet non solum ut studentes perfectioni, sed etiam ut Doctores perfecti, licet adhuc perfectibiles, alios et seipso perficientes : quod ipsum, *art. 6*, ad Parochos extendit, qui etiam actus perfectionis exercent, pascentes oves sibi commissas, et, *art. 7*, facta comparatione ad Religiosos, docet, statum Prælatorum Ecclesiæ esse perfectiorem statu Religiosorum et majorem sanctitatis perfectionem requiri in Prælatis, Episcopis et Parochis quam in Religiosis. Et denique, *opusc. 18* et in *Matth.*, c. 5, distinguit varias perfectiones et inter alias perfectionem excellentia vitae, et ait : « Ad hanc tenentur Clerici super laicos. » Accedit 3º Concilium Tridentinum, quod, *sess. 6, de ref.*, c. 1, de Episcopis statuit : « Ad Ecclesiarum regimen, onus quippe angelicis humeris formidandum, qui maximè digni fuerint, quorumque prior vita ac omnis ætas a puerilibus exordiis usque ad perfectiores annos per disciplinæ stipendia ecclesiastice laudabiliter acta, testimonium præbeat, secundum venerabiles beatorum Patrum sanctiones assumantur. » Ad inferiores vero Ecclesiasticos, *sess. 22*, c. 1, ait : « Quapropter sic decet Clericos in sortem Domini vocatos, vitam moresque suos omnes componere, ut habitu, gestu, incessu, sermone aliisque omnibus rebus, nil nisi grave, moderatum ac religione plenum præ se ferant; levia etiam delicta, quæ in ipsis maxima essent effugiant, ut

eorum actiones cunctis afferant venerationem. » Et *sess. 24*, c. 1, *de ref.* ab omnibus Prælati et Beneficiatis Ecclesiasticis requirit modestiam, frugalitatem, simplicitatem, Dei zelum et vanitatum contemptum, et omnis carnalis affectus ad locupletandos suos consanguineos de rebus Ecclesiæ, depositionem. » Denique ratio est quia in Ecclesiâ Sacerdotes non aliâ sanè de causâ, teste Evangelio, constituti sunt, quam ut sint *sal terræ et lux mundi*; atque tales esse non possunt sine insigni et præclarâ morum sanctitate. Deinde Sacerdotes, sicut ipsum per se nomen indicat, sunt *Doctores veritatis*, ut eos vocat Chrysostomus; *Salvatores mundi*, ut eos vocat Hieronymus; *januae populis civitatis æternæ*, ut eos vocat *S. Prosper*; sed tales esse non poterunt si sancti non sint. Tandem ratio ipsa naturalis jubet, ut unusquisque in humanâ societate constitutus ea omnia sequi et operari teneatur quæ propria sunt statu quem amplexus est; atqui status ecclesiasticus in ore omnium est status *sanctitatis et perfectionis*: unde meritò concludere possumus cum *S. Hieron.* : *Clamat vestis, clamat status, clamat professi animi sanctitatem*, *Ep. 58*.

QUOMODO PERFECTI ESSE DEBEANT.

SCHOLIUM. Summa obligationum qua Episcopis incumbunt continentur his verbis, *Act. xx* : *Attendite vobis et universo gregi, in quo vos S. Spiritus posuit regere Ecclesiam Dei*, unde meritò ait *S. Augustinus* : *Episcopatus nomen est oneris, non honoris*. I. 19, *de Civ. Dei*, c. 19. Episcopi igitur sunt simpliciter in statu perfectionis exercendæ, et ideo tenentur tum jam esse perfecti, cum ad Episcopatum assumuntur, tum in perfectione proficere, ut animas sibi commissas, regimine et exemplo, in sacratissimis suis ministeriis perficere possint. Ad quorum instar etiam inferiores Prælati et Parochi, quin et simplices Sacerdotes proportionatè sunt in simili quasi statu perfectionis; tum quia ratione ministerii sui, consecrandi et offerendi corpus Christi, ad altiorem rerum divinarum contemplationem et majorem animi puritatem obligantur: tum quia ratione prælationis tenentur saluti proximorum procurandæ incumbere. Quæratio proportionatam quoque vim habet, ut a primâ Tonsurâ inclusivè per subsequentes gradus et Ordines minores maioresque, quicumque vult esse Clericus, ad perfectiorem vitam disponatur.

ADHORTANTUR ECCLESIASTICI AD PERFECTIONEM.

COROLLARIUM. Tria ad perfectum Ecclesiasticum sæcularem potissimum requiruntur. Scilicet vocatio Dei et quidem specialis ac bene examinata, ne tanto muneri temerè se committat cum periculo propriæ et aliarum animarum, nec quisquam sumat sibi honorem, sed qui vocatur a Deo tanquam Aaron, *Hebr.*, v, 4. Deinde recta intentio: qui enim non intrat per ostium in ovile ovium, sed ascendit alius, ille fur est et latro: qui autem intrat per ostium, pastor est ovium. Unde meritò Catechismus Romanus de *Ord.*, ut maximum sacrilegium taxat illorum intentionem, qui ad Beneficia et Sacerdotium nonnisi ex ambitione et cupiditate ducuntur. Ubiam est vocatio ecclesiastica in illis? Quare meritò in eos invehitur S. Gregorius, in *Pastor.*; S. Bernardus, l. 4, de *consid. Serm. de conver. ad Cler.*, c. 29, et S. Chrysostomus præterea quæ, in 6 libris de *Sacerd.*, scripsit, quod dictum est de pecuniâ simoniacâ, transfert ad ambitionem, in *act. hom.* 3, *post med.*, dicens: *Ambitio tua sit tecum in perditionem, quoniam putasti ambitu humano parari donum Dei.* Hinc Sancti nonnisi inviti et consilio aut jussu aliorum ad statum sacerdotalem, maximè verò primas dignitates ecclesiasticas, gementes sub onere et nil curantes de honore, trahendi erant; et bene notat Ludovicus a Ponte, *Chr. perf. tr.* vii, c. 4, vocationem hanc raro fieri impulsibus aut inspirationibus trahentibus ad prælationem, sed potius retrahentibus, atque impulsus et inspirationes trahentes esse mediatas per Directores aut Superiores. Denique vitæ probitas et perfectio in Ecclesiastico requiritur; non loquor de Sacerdote scandaloso: sufficit non esse exemplarem et perfectioni sacerdotali deditum, ut sibi vehementer timeat. Nec loquor de habente curam animarum, qui fortè est pastor mutus et negligens: sufficit esse Presbyterum, imò in sacris constitutum, ut ex officio, exemplo et precibus suis ad curam animarum concurrere debeat. Quid dicam de tremendo Missæ sacrificio quod ob nonnullorum Sacerdotum incuriam aut impietatem tam indecorè tractatur, ut sacrificantes non videantur credere majestatem Domini esse præsentem? Sic enim aliqui sine spiritu, sine affectu, sine timore et tremore, festinatione incredibili, Sacrum perficiunt, quasi fide Christum Dominum non viderent aut ab eo se videri non crederent. Quod ad Prælatos maiores attinet, hortatur eos valde energicè Cardinalis Bellarminus, ut statûs sui perfectioni respondeant, dum nepotem suum per octo controversias instruit et in controversiâ tertîâ statuit quod Episcopus

debeat esse perfectus, concludens: *Hæc igitur est veritas, sed non omnes capiunt verbum istud.* Et mox: *Hæc perfectio excludit ludos, venationes, lectionem librorum vanorum, occupationes temporales et alia id generis omnia: proinde munus Episcopi est vita laboriosissima, sed magnam habet remunerationem.*

SCHOLIUM.

OMNES GENERALES ET COMMUNES CLERICORUM OBLIGATIONES IN QUATUOR MONITIS  
INCLUDENS.

MONITUM PRIMUM.

*Sancti erunt Deo suo et non polluent nomen ejus; incensum enim Domini et panes Dei sui offerunt, et ideo sancti erunt, Levit. xxi.*

Habitu suscipe	Non ex	Levitate
		Avaritiâ
		Ambitione:
Sed		Vocante Deo
		Perfectione statûs alliciente
		Zelo tuæ proximique salutis impellente.
Incede in habitu	Gravi	
	Modesto	
	Mundo	(Indues sanctis vestibus. <i>Exod. xl.</i> )
	Canonico.	
Esto Episcopo tuo	Obediens in	Præceptis
		Decretis
		Monitis;
	Obsequens	Corde
		Verbo
		Opere.
Fuge	Contemptus	Domus suspectas — Consortium mulierum —
	Insurrections	Ludos — Chorea — Theatra — Venationes perstreptentes;
	Tumultus	Episcopum
		Superiorem
		Quemcumque;
	Viles famulatus ex turpi œconomia	
	Avaritiam	Ex munerum acceptione
		Ex importunis exactionibus
		Ex rei alienæ administrationibus.

MONITUM SECUNDUM.

*Perfectus eris et absque macula, Deut. xviii.*

Scientia	Divinæ Ecclesiasticæ Civili.
<i>Quia tu scientiam repulisti, repellam te ne Sacerdotio fungaris, Os. iv.</i>	
Prudentia	Consilii in Imperiis.
<i>Dux indigenus prudentia multos opprimet, Prov. xxviii.</i>	
Modestia	Indumentis et gravitate in Moribus.
<i>Amictus corporis et risus dentium et ingressus hominis enuntiant de illo, Eccl. xix.</i>	
Liberalitate	Peregrinos erga Pauperes Tempa.
<i>Quomodo potueris, ita esto misericors, Tob., iv.</i>	
Temperantia	Divitiis Conviviis Soliatis.
<i>Attendite ne graventur corda vestra in crapulâ et ebrietate, et curis hujus vita, Luc. xxi.</i>	
Integritate coram.	Deo Hominibus Te ipso.
<i>Custodi temetipsum et animam tuam sollicitè, Deut. iv.</i>	
Obedientia	Sanctam Ecclesiam
Obsequio	Summum Pontificem
Amore erga	Ejusque decreta.

*Qui sequitur me, non ambulat in tenebris, Joan. viii.  
Qui vos audit, me audit; qui vos spernit, me spernit, Luc. x.*

MONITUM TERTIUM.

*Mundamini qui fertis vasa Domini, Is. liii.*

*Sacerdotes tui induantur justitiam, Ps. cxxxii.*

Dignitatem	Angelicis humeris formidandam Regiâ celsitudine excelsiore Omnibus venerabilem.
Perpende muneris tui	In corpus et sanguinem Filii Dei In remissionem peccatorum In aereos atque tartareos spiritus.
Strictam obli- gationem stu- dendi	Angelicæ puritati Seraphico fervori Incessanti processu in virtutibus.
Per quod factus es	Interpres et legatus Dei, æterna decreta promul- gans Sacerdos in æternum, immolans et offerens Filium æterni Patris in victimam Mediator inter Deum et homines per oblationem sacrificii pacis, precumque fidelium Dispensator mysteriorum celestium.
Cave itaque ne sis	Sacrorum contemptor Summi Pontificis auctoritati parum obsequens Periculose aut dubiae doctrinae sectator Rigidus et asper, aut remissus in pœnitentes Avarus — Immundus — Impudicus — Vinolen- tus — Turpis lucri cupidus — I ad Timoth. iii, — ad Tit. i;
Sed esto	Pius — Innocens — Sobrius — Impollutus — Segregatus a peccatoribus — Excelsior cœlis factus ad Heb. vii.

*Eritis mihi sancti, quia sanctus sum ego Dominus, et separavi  
vos a ceteris populis, ut essetis mei, Lev. xx.*

MONITUM QUARTUM.

*Obsecro vos ut dignè ambuletis vocatione quā vocati estis,*  
*Eph. iv.*

Timor	{ Dei ;
Amor	{ Cordis Sensuum ;
Sancta oc- cupatio	{ Memoriae Intellectus Voluntatis ;
Media	{ Assidua fre- quentia
	{ Collationis cum Confessario Lectionis spiritualis Orationis { Vocalis Mentalis Examinis conscientiae Sacramentorum ;
	{ Devotio erga
	{ Deum B. Virginem Mariam Sanctos ;
Cautela	{ Negotiis
et moderatio	{ Conversationibus in Solatiis ;
Fidelitas in	{ Servandā temporis œconomia Sanctificandis diebus festis Obeundis quotidianis pietatis exer- citii.

*Hoc fac, et vives, Luc. x.*

CAPUT II.

QUOMODO INCIPIENTES PER VIAM PURGATIVAM, FUGAM PECCATI  
ET TEPORIS, OPE ORATIONIS ET MORTIFICATIONIS, AD PER-  
FECTIONEM CHRISTIANAM TENDERE DEBEANT.

§ 25.

TRES GRADUS VITÆ SPIRITUALIS, VITA ACTIVA,  
CONTEMPLATIVA ET MIXTA.

Consideratà naturâ perfectionis christianaë et obligatione  
ad eam tendendi, ad modum illam acquirendi in vitâ spiri-  
tuali progredimur, cuius tres gradus sunt scilicet *vita ac-  
tiva*, *contemplativa* et *mixta*. Virtutes que bonum proximi  
respiciunt indicant vitam activam : quæ solum Deum respi-  
ciunt, indicant contemplativam; quæ simul Deum cum  
proximo respiciunt, vitam mixtam. Hæc divisio fundatur  
primo in S. Scripturâ et Patribus, quatenus valde commen-  
dantur duo prædicta genera virtutum seu operationum vita-  
lium supernaturalium in contemplando Deum et in juvando  
proximos. Sic quantum ad Deum et vitam contemplativam pro  
vitâ etiam præsenti, Patres sumunt illos textus Matth. v, 8.  
*Beati mundo corde, quoniam ipsi Deum videbunt.* Et Joan. xvii,  
3 : *Hæc est autem vita æterna : ut cognoscant te solum Deum ve-  
rum et quem misisti Jesum Christum.* Quantum verò ad proximos  
et vitam activam, Matth. v, 7 : *Beati misericordes, quoniam ipsi  
misericordiam consequentur.* Et cap. xxv, 34 et 35 : *Venite, be-  
nediti Patris mei : esurivi enim etc...* Et 40 : *Quamdiu fecistis  
uni ex his fratribus meis minimis, mihi fecistis.* Item quatenus  
reperiuntur a Patribus tam in veteri quam in novo Testamento  
conspicuae imagines prædictæ vitæ activæ et contemplativæ,  
quarum præcipue sunt due uxores Jacob, Lia fœcunda, fi-